



Islamic Community of North American Bosniaks
Islamska Zajednica Bošnjaka Sjeverne Amerike

Br: 01/NA-46/13

Phoenix, AZ: Zu-l-Ka'de 14, 1434. god. po H.,

Septembar 20, 2013. god.

Re: Usvajanje Statuta i pravilnika ICNAB-a

Esselamu alejkum poštovani sabornici ICNAB-a,

Na osnovu odluka Sabora ICNAB-a održanog 24. februara 2013. godine u St. Louisu u vezi sa usvajanjem novog Statuta i pravilnika ICNAB-a, dosada smo uradili sljedeće:

1. Nakon formiranja komisije za Statut i pravilnike na Saboru ICNAB-a u St. Louisu, poslan je javni poziv od strane komisije svim džematima da dostave putem emaila sve prijedloge, primjedbe i dopune na predloženi tekst Statuta i pravilnika.
2. Komisija je zaprimila sve dostavljene prijedloge i primjedbe i prosljedila ih je u Rijaset IZ u BiH.
3. Pravna služba Rijasetu IZ u BiH je pregledala sve navedene dokumente i u proširenom sastavu je donijela svoje primjedbe i sugestije, a koje se tiču usaglašavanja predloženog teksta Statuta i pravilnika, po pitanju usaglašavanja istih sa Ustavom IZ u BiH.
4. Šaljemo vam na glasanje završni primjerak Statuta i pravilnika, onakak kakav je odobrila Pravna komisija Rijasetu IZ u BiH.

Dragi sabornici, iako dogovoreni rokovi za sprovođenje odluka Sabora nisu ispoštovani, mi vam prosljeđujemo predloženi tekst Statuta i pravilnika jer smatramo da treba da poštujemo i sprovodimo naše saborske odluke.



Islamic Community of North American Bosniaks
Islamska Zajednica Bošnjaka Sjeverne Amerike


Svjestan sam da se i pored uloženog truda od strane pravne službe Rijasetu IZ u BiH može naći niz nedostataka u Statutu i pravilnicima koje vam prilažemo, ali takođe smatram da bi Statut i pravilnike trebali usvojiti ovakve kakvi jesu. Kao krovna organizacija mi treba da usvojimo ove akte kako bi mogli da nastavimo da radimo u budućnosti jer trenutno mi nemamo pravilnike ICNAB-a. Uvjeren sam da bi neusvajanje pravilnika doprinijelo mnogo većoj šteti nego njihovo usvajanje. U vremenu koje je pred nama možemo sve nedostatke u pravilnicima otklanjati i usklađivati sa našim potrebama usvajanjem amandmana na našem Saboru.

Poštovani sabornici, pozivam vas da usvojimo akte koji vam se šalju na glasanje da bi nastavili graditi čvrstu i organizovaniju Islamsku zajednicu na području Sjeverne Amerike.

Hvala na razumijevanju i saradnji.

Mahsuz selam,

Mr. Sabahudin ef. Čeman



Glavni imam
Islamska zajednica Bošnjaka Sjeverne Amerike